

Tutu é kuvi ūun e táxnūu San Pedru

Taxnūu Pedru tú'un iña ña ntákuinti'xe i da mí'i ka ntántoo ña

1 Xu'u é Pedrú u ne, pustru iña Jesúcrístú u. Taxnūu u tú'un sa'lá iña ña é ña te ntóo ñuú mii i, divi ña e ntántoo ñuú Pontú, ni ñūú Galaciá, ni ñūú Capadociá, ni ñūú Asiá, ni ñūú Bitinia, ²ña e náakaxnúu Xuva kō nte dí'na vatā o ntío ña. E tsóo xio Espírítu Sántu san nto vata koo é kāda ntaa nto é kāka'an Jesúcrístú ne, vata koo é ntūntoo nima ntó ñiñi ña. Ñá tē nté kaa na naxnuu viko Xuva ko ntō, na tā'xi ña é kuntōo vā'a nto utén uten.

É ntantétu ō é vā'a

³Ká'an ō tsi dóo ka'nu Xuva ko, divi Uvā Tó'o ko Jesúcrístu, tsi dóo ntúntā'ví ini ña kō né, tā'xi ña é kaku xtuku o ntā'a Jesucristu da ntóto xtuku ña é xi'i ña. Dukuān né, kuntōo díní ō é ntantétu o nūu i é vā'a é ni'i ko te kúvi. ⁴Tsí ni'i ko uun doméni é ta'xi Xuva ko iña i'xá ña. Ñá kantī'i doméní san. Vá'a kue'én ne, ñá kunāá ntii dañu ntūvi. É tūví vā'á iña nto e dukún kan tē xee nto. ⁵Tsí da xe ntákuinti'xe nto Xuva kō ne, ñiñi kue'én ini ña nada'an ña nto vata koo é xēe nto

mí'i iō tu've é kuntōo nto ni ña. Ta'xi ña é kūtuni nto sá'a ntuvi tē ntí'i ñuxiví sa.

⁶Dukuān né, kuvi kuntōo díní nto, kuān te ntánto'o nto vevii uun da'na dá iō nuu i e dóo ntii tū'un. ⁷Kāá kuaán san ne, kuān té ña kaxntíi ntii dañu ntūvi, ntá tsi ntaé'mi ña vata koo é ntí'i un ntíi ntíi nuu i é ña vā'a e ntádāka. Kuān ó kakuvi ni ntō da ntánto'o nto dí. Dukuān ó kantí'i nuu i é kīni ntāa é ñū'u nima ntó ne, kutuni te vā'a o ntákuinti'xe nto. Tsi dii díi ka nuu á'vi i é kuinti'xe vā'a nto Xuva kō é vāta kaa kaá kuaán san. Kidāá né, tē kuinti'xe vā'a nto, kuān te ntánto'o nto ne, ká'an Xuva kō tsi dóo valá nto ne, ni'i nto dokoñu'u ntuvi tē naínu xtúku Jesucristu.

⁸Dōo ntio nto Jesucristú, kuān té vata kiní nto ña. Kuān té ña kaíni ntó ña vevii ne, ntákuinti'xe nto ña. Dukuān ne, ñá tē nté kaa díní nto. Ntē ña xee tá'an tú'un é ká'an nto nté kaa e díní nto, tsí vata tsi tē ntoo nto e dukún kán vevii. ⁹Tsí da xe e kuinti'xe nto ne, é nakáku nima nto.

¹⁰Ntuvi di'na ne, ña é ka'an naa Xuva kó ne, ntáka'an ñá nuu i é vā'a san é ni'i nto vevii. Dōo nántuku

ña, dōo tsíxe'e ña kuēnta iña i sá'ā.
¹¹Xé'e Ēspíritū Cristu é kūtuni ñá nte dí'na nee iña é vē'xi é ntō'o Cristú, ni nūu i é vā'á é nī'i ñá rkontuvi. Dōo dé kuení ñá xoo ná'a ntu é vii ña sá'ā ne, amá ntu kuvi dí. ¹²Ntá tsi xe'é Xuva kō é kūtuni ña tsi tú'un e ntáka'an ñá ne, ñá tē é vā'á mii ñá, tsi é vā'á mii ntō. Tsi ñá tsi tú'un e ntáka'an ñá ni ntō vevii, ña e ntáka'an ntōdo tú'un é nakáku o. Kaxé'e Ēspíritū Sántū, ña e táxnuu Xuva kō nte e dukún kán, é kuān o ntáka'an ñá ne, ñá tē nté kaa ntio ánjē sán kutuni ñá nuu i sá'ā.

**Kana Xuva ko kō é vā'á
 kue'en na kuvi o**

¹³Dukuān ne, koo tú've nto. Kuntitō nnto. Ntánī nima ntó kuntētū nto nuu i é vā'á san é nī'i nto te naínu xtúku Jesucristu. ¹⁴Vatā ó de i'xa é kāde ntaa ne, ñá vii ka nto é ntio nima káni kaa nto, vata o dé nto kídaā dá vata kutú've nto iña Xuva ko. ¹⁵Ntá tsi é un ntí'í é vii ntó ne, vii nto é vā'á kue'en, vatā ó de Xuva kō, ña e kána nto. ¹⁶Tsí kaka'an tú'un Xuva kō: “É vā'á kue'en kuvi nto, vata tsi o va'á mii u”, ka'an ña. ¹⁷Xuva kō ne, kaito nteé ña kō é un é un o te vā'á o, tē ña vá'a o kade o; ñá kāde ña kuenta xoo ñá'a o. Tē ntáka'an nto Úva nto ñá ne, kuntoo koñu'u nto dá kani ntūvi e tá'xi ña é kuntōo nto ñuxiví sa. ¹⁸Ini nto tsí da nakáku ña kō é dōto tsi ntáde o nuu i é ña kaidiá'vi vatā xkoó ini uváta kō, ña intóo kídaā ne, ñá tē diu'un ni ntá'vi ña kuenta iña kó, ntē ña té diu'un kui'xín, ntē

ña te káa kuaan, nté da nēé ka nuu i é kanatívi. ¹⁹Tsí niñí Cristu e dōo nuu á'vi i e ntá'vi ña iña ko. Cristú ne, vata kaa a le'ntu é ña tuví nee kuetsí i, é ña ni kuléntū, kaa ña. ²⁰Nté dí'na dá iñi ntu'u ñuxiví san ne, dē kú've Xuva kō é kuān koo kuvi ña. Ntá tsi dá nté ntuvi sá'a dá dokó sa ntí'i ñuxiví sa ne, taxnuu Xuva ko ñá é vā'á tsi mii ntō. ²¹Tsí kuenta iña ñá ne, ntákuinti'xe nto Xuva kō. Tsi Xuva kō ne, nantóto ña ña dá xi'i ñá ne, xé'e ñá e dōo ka'nu ña'a kúvi ña, vata koo é kuinti'xe nto Xuva kō, vata koo é kūtuni nto tsí nta'a ña vé'xi é un ntí'í é vā'á iña nto.

²²É ntūntoo nima ntó e kuinti'xe nto é nuu é ntaā i. Vevii ne, niñí kue'én ini nto na kuinima ntó ta'an nto, ña ntákuinti'xe i san. Dukuān né, koo ntii ntó é kuinima ntí'xe nto ta'an nto kaniñí nima nto. ²³Tsi e nī'i nto ntuví xēé iña nto é vata kaa te ūvi íto káku nto. Ntá tsi ña te kuenta iña uva nto ña é xi'i e káku nto ve, tsí ñá tsi tú'un Xuva kō é kántíto ntii dañu ntūvi. ²⁴Tsí uve na'a kaka'an tú'un Xuva kō:

Un ntí'í ntí'í ña'a sán ne, vata ntáa xuku ntáa ña.

E dōo nuu á'vi i iña ña vevii ne, vata ntáa laa xuku ntáa.

Kaxi'i dí'í xuku i sán ne, kanakó'xo laa i,

²⁵ntá tsi tú'un Xuva kō ne, kutūví ntii dañu ntūvi,

ka'an. Tū'un tsikán ne, ñá tsi tú'un é vā'a e ntáka'an ntōdo ña ni ntō.

2 Dukuān ne, ñá vii ka nto nté uun ká nuu i é kini kaa. Ñá kaní nta'ví ka nto ta'an nto. Ñá te ūvi nuu i vii nto. Ñá ku kune'ū iní

kō é kuān koo víí nto vata koo é ña kuvi ka'an ntée ña tuntú san nto, ña é dotō tsi ntáka'an.

¹⁶Kuān té xoxó ka taxnuu i nto nté koo víí nto, ntá tsi ña ku dotō tsi víí nto é kīni kaa, tsí vii nto é vā'á vata tsí ó de ña ntáde tsiñu iña Xuva ko. ¹⁷Kuiko ñu'u nto ūn ntíí ntíí ña'a san. Kuinima nto un ntíí ntíí ta'an nto, ña ntákuinti'xe i san. Kuiko ñu'u kuē'en ntó Xuva kō. Kuiko ñu'u ntō ñá odo nūú san.

Koto nto nté o ntó'o Cristu

¹⁸Nto'o e ntáde tsiñu nto ne, kada ntaa nto e ntáka'an tó'o ntō. Kuān te vá'a ña'a ña ne, ntántunta'ví ini ña nto, kuān te dóo diin ñá ne, ntá tsi kuiko ñu'u nto ña. ¹⁹Tsí kaka'an Xúva kō tsi vá'á ó te kutíi o é nto'o ko kuēnta iña nuu i é ña te kuétsi ko, tē ntáde ntaa o e ntío ña. ²⁰Te nī'i nto é nto'o nto te vii nto é kīni kaa ne, čva dóo ntu nuu á'vi nto e kūtíi nto é ntō'o nto iña kuétsi nto san? Ntá tsi te kūtíi nto nto'o nto kuenta iña nuu i é vā'a é edé nto ne, tsíkān é nuu á'vi i, kuiní Xuva kō. ²¹Divi tsi tsiñu kána Xuva ko ntō é vii nto. Ini nto nté o ntó'o Cristu kuenta iña nto. Dukuān ne, náñē'e ñá nto nté koo víí nto vatā o de ña. Kuān tsi koo víí nto di. ²²Divi ña ne, nté uun ito ña ni ide ña é kīni kaa; nté uun ito ña ni eni ntâ'ví ña ña'a. ²³Dā ka'an kīni ña'a san ni ñá ne, ñá ni nantiko koō ña nté uun é kīni kaa. Dā ntó'o ña ne, ñá ni kā'an ñá te ntaa ña. Ntá tsi ntáda ña kuenta ntá'a Xuva kō, ña e dóo ini é xntékú kū'vé va'a. ²⁴Mii ña ído ña kuétsi kō kúñu ña dá xi'i ña ntíkā krusi kan vata koo é ña víí ka ó é

kīni kaa, tsí vii o da mii é vā'a. Divi ña ni'i kui'í ña vata koo é ntuvá'a nto. ²⁵Tsí di'na ne, ntaíka xaa nto vata ntáa le'ntu, ntá tsi e ntíko koō nto mí tuví paxtu ntó, ña kanada'an nima nto.

Nté koo víí ña e éni vi'i

3 Dukuān dí, ñadī'í, kuiko ñu'u ntō xii nto, vata koo te ió ña é ña ntákuinti'xe i tú'un Xuva kō ne, nakaku ña, kuān te nté uun tú'ūn ña ni ka'an ntó ni ñā, tsi dóo vá'ā o ntáde nto utén uten. ²Tsí ini ña tsi dóo vá'ā ó de ñadī'í ñá, tsi dóo koñu'u ña. ³Ña te e ntántukutu ntō né, ntē ña te dóo vá'ā o ntánekin nto díki nto, ntē ña te kiti e kúvi kaá kuaan kañú'u nto, ntē ña te dú'nu e dóo va'á kue'en. ⁴Tsi é nuu xū'ú nima ntó kán, e dóo vita ini nto, e dóo ñikādín nima nto. Tsíkān e díi ka nuu á'vi i nuu Xuva ko, tsí divi é ña te kánatívi kue'en. ⁵Tsí kuan o dé ñadī'í va'á san kídaā dí, ña ntákuinti'xe i Xuva kō. Edé ntaa ña e ntáka'an xíi ña, ⁶vata o dé ntaa Sárā san é káka'an Ábraan. Kaka'an ñá tsi tó'o ña ñā. Divi ntō ne, i'xá ña nto te vii nto é vā'á ne, nté uun nuu i ña te ntaú'vi nto.

⁷Divi ntō dí, ñatíi, kuenta víí nto ñadī'í nto, tsí ña túvi ntíi ña vatā ó iō ntíi nto. Kuiko ñu'u nto ñā, tsí dadíi tsi ni'i nto ntuví va'á iña nto ni ña nta'a Xúva kō. Kuān koo víí nto vata koo é ña te neé kadí nuu i tē ntáka'an ntâ'ví nto.

Ña e ntánto'o i e ntáde é vā'a

⁸Uun ká xtuku nuu i ká'an ú ni ntō. Kuédadii tsi nima ntó, un ntíi ntíi nto. Na káxnúu nto ta'an nto

nee iña e ntánto'o ña. Na ntuntá'ví ini nto ta'an nto. Kuinima ntó ña. Ñá víi ka'nu nto ni ñā. ⁹Tē ntáde ñā'a san é kini kaa ni ntō ne, ña nantíko koō nto é kīni kaa sán dī. Tē ka'an kīni ñā'a san ni ntó ne, ñá ku kā'an kīni nto ni ñā, tsi vá'a koo ka'an ntó ni ñā. Tsi kána Xuva ko kō vata koo é ta'xi ña kō é vā'a. ¹⁰Tsí uve na'a kaká'an tú'un Xuva kō:

Tsí xoo ñá'a é ntio ña e dóo vá'a koo kuita ntí'xin ntuvi iña ñá ne,
kuenta na víi ña é ña ká'an ña é kīni kaa,
é ña kaní nta'ví ña ta'an ña.

¹¹Na xtuvī mii ña é víi ña é kīni kaa ne,
na víi ña é vā'a.
Na nantukū ña nté koo kuntoo vá'a ña ni tā'an ña.

¹²Tsí kainí Xuva ko xōo é vā'á ñā'a ne,
katekú ña te kākā'an ntâ'ví ña ni ñā,
ntá tsi ña ncho kini ña xoo é kīni ntáa i,
ka'an tú'un Xuva kō.

¹³¿Xoó ntu kuvi vii i ni ntō é kīni kaa te dí mii tsi nuu i é vā'a ntáde nto? ¹⁴Ntá tsi te nto'o nto kuān te ntáde nto é vā'á ne, kuntōo díní nto. Ñá ku dā vá'a nto tē xoó ñā'a nau'vi ñá nto. Ntē ña kutsú'un nto kuenta iña ña. ¹⁵Tsí kini vá'a ntó nima nto tsí Cristú ne, díi ka ka'nu ña. Dívi ñā e Tó'o kō. Koo tú've nto nté koo ka'an ntó ni da xōo ka ñā'a te tsíxe'e ña ntō nté kui kuínti'xé nto. Ntá tsi ña víi ka'nu nto. Kuiko ñu'u nto ñā. ¹⁶Vá'a koo víi nto vata koo é dīnī kunuū nima nto. Kidáā né, tē

ka'an kīni ñā'a san iña nto da ntáde nto é vā'a e ntákuinti'xe nto Cristú ne, dívi ñā ne, kuka'an nuu ña.

¹⁷Tsí díi ka vā'á ó te nto'o kō da ntáde o é vā'á san naa i é nto'o kō da ntáde o é kīni kaa sán, te kuan kōo é ntio Xuva kō. ¹⁸Tsí mii tsí Cristu ntó'o ña dá xi'i ña é uun ito tsi kuenta iña kuétsi kō. Dívi ñā é ña tuvi kuétsi ñā ne, xí'i ña kuēnta iña ko xo'o é iō kuétsi kō, vata koo é kī'in ni'i ña ko nuu Xuva ko. Xí'i kúñu ñā, ntá tsi nima ñá ne, ntōto xtuku. ¹⁹Dukuān o ñē'e ñā, ixka'an ntódo ña mí'i ñu'u kutū nima ña é xi'i san. ²⁰Ña tsikán ne, ña intóo kídaā é ña ni kuínti'xe i, kuān te kutí Xuva kō intétu ña ña ñi dukuān de vá'a Noeé san tun ntōo ka'nu san. Úna ñā'a kudii nakáku ña é ñu'u vá'a ña iní tun ntōo san dá nakuntéku teni nú ntute kán. ²¹Kuan kōo vevíi ne, ntántada náa o iña ña é nakaku mé'ñu ntute san, tsí nakáku o te ítsi ntute o. Ñá tē tsi kúñu dentu kō é ntuntoo, tsí nima ko é ntūvá'a ni Xuva kō kuenta iña Jesúcristu, dívi ñā e ntóto xtuku ña dá xi'i ña. ²²Kúntāa ña e dukún kan vē ne, tuví ña díñi kua'a Xuva kō. Doo ntaíko ñu'u ánjē san ñá, ni ün ntíí ntíí ña odo núu san.

**Kada tsiñu o vatā o tá'xi
Xuva kō é kūvi vii o**

4 Tsi dúkuān né, vata o ntó'o Cristu ni kúñu ñā ne, kuan koo kadā kuení nto tsí kuvi víi nto é ntō'o nto dī. Tsí xoo ñá'a e ntó'o ña nī kúñu ñā ne, é xtuvī mii ña é víi ña é kīni kaa, ²vata koo e dá ntōo ká ña ñuxiví san ne, ñá víi ka ña é ntio kúñu ñā, tsí víi ña é ntio

Xuva kō. ³E xée ntuvi é tsoo mii ntō é edé nto vatā o dé ña'a sán di, ña é ña ntákuinti'xe i Xuva kō. Tsi é un ntí'i é kīni ntáa ntáde ña. Ncho kada xení ña ni ñadí'i. Ntáde kí'vi ñā. Da mii kuē'en tsi dodíni ntáde ñā. Dōo ntáxi'i ñā. Ntaínúu ini ña tuku xuva ñā e ña ntío kue'en Xúva kō. ⁴Dā kúdu'va ñā e ñā ncho kuve ta'an ká nto ñā e ntáde ñā nuu i é kīni ntáa ne, ntáka'an kīni ñā iña nto ve. ⁵Ntá tsi nakué'e ñā kuenta ntá'a Xuva kō nté o dé ñā. Tsi Xuva ko xntékú ku'vē ñā iña ñā ntantíto nī ñā é xi'í san. ⁶Dukuān ne, ká'an ntōdó ñā tú'un va'á san nī ñā é xi'í san di vata koo é kuntíto ñā kuenta iña Xuva kó, kuān te ni'i kúñu ñā é ntō'o i.

⁷Dóko sā ntí'i un ntíi ntíi nuu í ve. Dukuān né, kadā kuení va'a nto. Diin diin tsi kuntōo nto vata koo é kūvi ka'an ntá'ví nto kaniñ nima nto. ⁸Uun nuu i e díi ka va'a é vii ntó ne: dōo kuinima ntó ta'an nto utén uten. Tsi te kuinima kó ta'an kō ne, kada ka'nu iní o ni ñā, kuān te dōo iō kuetsí ñā. ⁹Ñā ku dē víni nto vi'i nto é kutúvi ta'an nto. ¹⁰Tsi é tá'xi Xuva ko tsiñu é vā'a é vii o é un é un o. Na vii ó tsiñu é vā'á san é vā'á ta'an ko vatā o de ñā ñu'u nta'a i tsiñu na'nu é xe'é Xuva kō. ¹¹Xoó ñā'a é kākā'an ñā ne, na kā'an ñā vata o xe'é Xuva kō é kā'an ñā. Xoó ñā'a é kaxntii ñā tā'an ñā ne, na kōo ntii ñā vii ñā vata o xe'é Xuva ko ntii ñā é vii ñā, vata koo é da nēé ka é vii ó ne, ká'an ñā'a sán tsi dōo va'á Xuva ko ni i'xā ñā Jesucristu. Ká'an o tsi dōo va'á ñā. Na kadā kú'vé ka ñā é un ntí'i ntii dañu ntūvi. Kuan tsi koo na kōo.

É nto'o kō é kuntikin ó Cristu

¹²Ení ko e dōo ntio kó nto, ñā ku kadā kuení nto te ñū'u nto mé'ñū ñū'u é kaí'xí san é kaíto nteé Xuva ko ntō. ¹³Ñā ku da kudū'va nto, tsi dīni koo kuntōo nto e ntánto'o nto vata o ntó'o Cristu, vata koo é díi díi ka dīni nto ntuvi tē naínu xtúku ñā, tē ntii dítō ñā é kāxi'í nuu ka'nu ñā. ¹⁴Te kā'an ntée ñā'a san nto tsi ntákuinti'xe nto Cristu ne, dōo dīni nto tsi Espíritu Xuva kō e dōo va'a vexkútuví ñā ni ntō. ¹⁵Ió ñā'a ne, ntánto'o ñā e é'ni ñā ñā'a ne, o du'u ñā ne, o dé ñā é kīni kaa ne, o kīni nuu ñā iña ñā'á san. Nta tsi ñā kuān koo vii nto. ¹⁶Ntá tsi te xoó ñā'a ntánto'o ñā e ntántikin ñā Cristú ne, ñā kūka'an nuu ñā. Tsi nakué'e ñā sintiá'vi nta'a Xuva kō é xe'é ñā é kuān koo nto'o ñā kuenta iña ñā.

¹⁷E xée ntūvi é xntékú ku'vē Xuva kō. Te dī'na xo'o xntekú ku'vē ñā iña kó ne, ¿nté koo vii ñā ni ñā'a san, ñā é ñā ntákuinti'xe i tú'un Xuva kō? ¹⁸Tē dá kuetsi ntánakáku ñā é vā'á san ne, ¿nté koo kuvi nī ñā ntáde é kīni kaá san, nī ñā é iō kuetsí i san? ¹⁹Dukuān né, dívi ñā e ntánto'o ñā tsi kuān o ntío Xuva kō é vii ñā ne, ñā kōo da'na é vii ñā é vā'a. Na ntáda ñā kuentá nima ñā nta'a Xúva kō, ñā é ede vā'a ñā, ñā e nté uun ito ñā tsoo míi ñā ñā.

Itsi iña ñā ntákuinti'xe i

5 Vi'a ve ne, ncho kué'e ú itsi iña ñáta, ñā odo nūú iña nto. Xu'ú ne, ñatā ú di ne, iní u nté o ntó'o Cristú ne, dadíi tsi ni'i ko ni ntó é vā'a é tá'xi ñā ko te naínu xtúku ñā. ²Kuenta víi nto ñā e tá'xi

Xuva ko nto vatā ó kade paxtú san kuenta a le'ntu ña. Ñá te kuē'e kuétsi ña nto é vii nto, tsi dodíni nto vií nto. Ñá tē é diu'un ntío nto, tsí kaniñ nima ntó vií nto. ³Ñá ku vii nto tó'o ña'a, ña e ntáde nto kuenta, tsí ñañ'e ntó ña nté koo vií ña vatā o ntáde nto. ⁴Tē ntii díto paxtu ñá odo nūú san ne, ní'i ntō doméni e dóo va'a é ña kantí'i.

⁵Dukuān dí, na kuetsi, kuiko ñu'u nto ñata, ña odo nūú san. Un ntíi ntíi ntó ne, ñá víi ka'nu nto ni tā'an nto. Tsi uve na'a tú'un Xuva ko kākā'an:

Ñá kaxntii Xuva ko ñā'a, ña e ntáde na'nu iña mii i,
tsí kaxntii ña ña ntā'vi, ña é ña ntáde na'nu san,

ka'an. ⁶Ntā'vi tsí koo víi nto nuu Xuva ko, ña e dóo ntii iní í, vata koo é kada ka'nu ña nto tē xee ntúvi. ⁷Da neé ka nuu i e ntádē kuení nto ne, ntada nto kuenta ntá'a ña, tsí divi ña kade ña nto kuenta.

⁸Ntítō vií nto kuntōo nto. Koto nto tsi é ña vá'a sán ne, kanāa ntée nto vatā ó de ñaña, kiti kakachu'u ntáa é kaika ti kanantuku tī nee

iña é kā'xí ti. ⁹Ñá vii nto é ntio i, tsí kuinti'xe vá'a nto Xuva kō. Tsi ini nto tsí dadíi tsi ntánto'o ta'an nto dá kaniñ nūxivi sa. ¹⁰Ntá tsi tē kúvi é ntō'o kudii nto ne, Xuva ko tā'xi ña é kuinti'xe kue'en nto. Ta'xi ña é kūtíi nto é un ntí'i. Ta'xi ña é kütu've vá'a nto nee iña e ntákuinti'xe nto, tsí divi ña e dóo va'a ña. E kána ña kō é ní'i ko é vā'a nta'a Cristú ne, ntavá'a ña nto. ¹¹Ká'an o tsi dóo va'a ña, tsí kuvi vií ña é un ntí'i ntii dañu ntūvi. Kuan tsi koo na kōo.

¹²Nta'a ení ko Silvanu, ña e dóo de ntaa, kuíni ko, de vá'a ú tutú sa'a vata koo é tā'xi kudíi u nto itsi, vata koo é kā'án u ni ntō tsi sá'a é nuu é ntaā i iña é vā'a e tá'xi Xuva ko kō. Itsi sá'a tsi kuntikín nto.

¹³Ña ntákuinti'xe i, ñá ntoo ñuú Babiloniá ne, taxnūu ña ntiusi nto. Dadíi tsi nakaxnúu Xuva ko ña ni ntō. I'xá ko Marcú ne, taxnūu na ntiusi ntó dí. ¹⁴Nanume nto ta'an nto é kuinima tá'an nto é nuu é ntaā i.

Vā'a vá'a tsi koo kuntōo nto, un ntí'i kue'en dú'va nto, tsi ntáduku ntée nto Cristu.